



Inatsisartuni ilaasortaq Kim Kielsen
Siumut
/Maani

§ 36 imm. 1 naapertorlugu apeqqummut 2010-186-imut akissut pillugu

13. oktober 2010

Sagsnr. 2010-039034

Dok. Nr. 480527

Asasara Kim Kielsen,

Kalaallit Nunaanni annaassiniarnissamut upalungaarsimaneq aamma ikuallattoornis-
samik qaartoornissamillu pitsaaliuinermi iliuusissat pillugit Inatsisartut inatsisaanni nr.
14-imi, 26. maj 2010-meersumi § 7 pillugu apeqqutinnut qujanaq.

Apeqquuit matuma kinguliani akissuteqarfigissavara.

Kalaallit Nunaanni annaassiniarnissamut upalungaarsimaneq aamma ikuallattoornis-
samik qaartoornissamillu pitsaaliuinermi iliuusissat pillugit Inatsisartut inatsisaanni nr.
14-imi, 26. maj 2010-meersumi § 7-imi allassimavoq:

*“§ 7. Upalungaarsimanermi pisortaq, ilinniartitaanikkut immikkut ittunik piginnaaneqarnini tunngavigalugu
annaassiniarnissamut upalungaarsimasut ulluinnarni aqunneqarnerinik isumaginnittussaq kommunalbestyrel-
sip atorfinitissavaa*

Imm. 2. Upalungaarsimanermut pisortaq pifissaq tamakkerlugu atorfekartinneqassaaq.

*Imm. 3. Taassuma saniatigut suliniuteqarnermut aqutsisut ikinnerpaamik marluk, ilinniartitaanikkut upalu-
ngaarsimanermut pisortap piginnaanerisa assinginik piginnaaneqartut, upalungaarsimanermut pisortamut
ikiuuttussat kommunalbestyrelsip atorfinitissavai.*

*Imm. 4. Kommunini ataasiakkaani tamani upalungaarsimanermut pisortaq imaluunniit minnerpaamik sulini-
teqarnermut aqutsisup aappaa sanaartukkut pillugit sullissinermi ikuallattoornissamut teknikkimut tunngasumik
ilinniarsimassuussaaq. Taamatuttaaq kommunimi timmisartunut suluusalinnut inuinnarnut mittarfeqarpat, upa-
lungaarsimanermut pisortaq aamma minnerpaamik suliniuteqarnermut aqutsisoq ataaseq timmisartunut tun-
ngatillugu suliniuteqarnermut aqutsisutut ilinniagaqarsimassaaq.*

*Imm. 5. Kommunit qullersaqarfiusut avataanni upalungaarsimanermi immikkoortortaqarfinni tamani suliniute-
qarnermut aqutsisumik ataatsimik amerlanerusunilluunniit kommunalbestyreksi atorfinitississaq.*

*Imm. 6. Annaassiniarnissamut upalungaarsimasuni sulisussat allat taamatuttaaq kommunalbestyreksimit ator-
finitinneqartassapput.”*

Kommunit tamarmik upalungaarsimanermut pisortamik, ulluinnarni kommunimi upalu-
ngaarsimanermik isumaginnittussamik atorfinitissinissaat aalajangersakkami inatsimmi-
lu siunertarineqarpoq. Aamma kommuni suliniuteqarnermut aqutsisunik upalungaarsi-
manermut pisortamut tapertaasussanik marlunnik atorfinitississaq. Upalungaarsima-
nermut pisortaq taassumalu sinniisissai ilinniartitaanikkut tunngaviusumik iliuuseqarnis-
samut ilinniarsimassapput, ikieeqqaarnissamut pikkorissarsimassapput, iliuuseqarnermi
aqutsinissamut ilinniarsimassapput, inersimasunut perorsaanikkut tunngaviusumik ilin-
niarsimassapput, qatserisartooqatigiinnut aqutsisuussapput, illoqarfinni suliniuteqarner-
mut aqutsisutut ilinniarsimassapput aammalu timmisartuni suliniuteqarnissamut aqutsi-
sutut ilinniarsimassallutik. Taamatuttaaq upalungaarsimanermut pisortaq imaluunniit

suliniuteqarnermi aqutsisup aappaa illuni ikuallattoqarnerani teknikkimut tunngasunik suliaqarnissamut ilinniarsimassaaq soraarummeernermlu angusaqarsimassalluni.

§ 7, imm. 3 naapertorlugu sinniisissat upalungaarsimanermut pisortaq peqartinnagu paarlattaassapput.

Upalungaarsimanermut pisortap sinniisissaanik, minnerpaamik ilinniartitaanikkut assingusunik piginnaaneqartunik kommunit atorfinititsisarnissaat matumani pineqarpoq.

Tassalu inatsimmi § 7-imi kommuni tamakkerlugu suliniuteqarnissamut aqutsisut atorfegartinneqartut amerlassusissaat imaluunniit kommunimi annaassiniarnissamut upalungaarsimasut annertussusissaat taaneqanngillat. Kommunit ataasiakkaat kommunini pissutut tunngavigalugit annaassiniarnissamut upalungaarsimasunik annertussusiliinis-saq isumagisussavaat. Kommunit nalilinerat tunngavigalugu annertussusiliineq inaaruntaasussaq Naalakkersuisut aalajangersassavaat.

Naggasiutigalugu erseqqissaatigissavara, annaassiniarnissamut upalungaarsimasut annertussusilerneqarnerat aammalu atorfut akuerineqartut inatsimmi § 7 naapertorlugu aalajangersarneq ajormata, kisiannili § 1, imm. 3 naapertorlugu aalajangersarneqartarlu-tik. Ilisimatitsissutut oqaatigissavara, annaassiniarnissamut upalungaarsimasut annertussusilerneqartarnerat pillugu nalunaarutissatut siunnersuut maannakkorpiaq tusarniaassutigineqarmat.

Inussiarnersumik inuulluaqqusillunga

Jens B. Frederiksen